



Bosnia and Herzegovina
Federation of Bosnia and Herzegovina

CANTON SARAJEVO
Ministry of Physical Planning Construction and
Environmental Protection

Broj: 05-05-23146-35/19 III MG
Sarajevo, 15.07.2019. godine

SKUPŠTINA KANTONA SARAJEVO
n/r Elmedin Konaković, predsjedavajući
- ovdje -

PREDMET: Odgovor na zastupničku inicijativu zastupnice Jasmine Biščević Tokić

Zastupnica Jasmina Biščević Tokić na Devetoj radnoj sjednici Skupštine Kantona Sarajevo, održanoj dana 19.06.2019. godine, u okviru tačke Dnevnog reda „Poslanička/zastupnička pitanja, inicijative i odgovori“, a u skladu sa Poslovníkom Skupštine Kantona Sarajevo, pokrenula je zastupničku inicijativu:

“Na osnovu člana 106. Poslovníka Skupštine Kantona Sarajevo (“Službene novine Kantona Sarajevo” br. 41/12, 15/13, 47/13, 47/15, 48/16), upućujem inicijativu Vladi Kantona Sarajevo, Ministarstvu prostornog uređenja, građenja i zaštite okoliša i KJKP “Rad” u vezi sa deponijom Smiljevići.”

OBRAZLOŽENJE

Na 25. Sjednici Općinskog vijeća Općine Novi Grad Sarajevo održanoj 30.05.2019. vijećnica Elza Gaković uputila je inicijativu u vezi sa deponijom Smiljevići, te i ja upućujem ovu inicijativu Vladi Kantona Sarajevo, Ministarstvu prostornog uređenja, građenja i zaštite okoliša i KJKP Rad. Naime, višegodišnja borba građana naselja Zabrđe, Sokolje, Briješće, Alipašin Most I, Alipašin Most II, Buća potok, kao i revolt izazvan nesavjesnim odnosom prema njima prije tri godine, izazvali su reakciju građana, koji su za posljedicu imali proteste i zabranu odvoza otpada. Mnogi zaključci i zahtjevi građana ni do danas nisu realizirani. Odgovornosti su se usmjeravale na Tužilaštvo, te sprovođenje istražnih radnji, na nelegalno izgrađene objekte. Tada su obavljani razgovori predstavnika građana sa predstavnicima Tužilaštva i obaviješteni smo kako su istražne radnje



web: <http://mpz.ks.gov.ba>
e-mail: mpz@mpz.ks.gov.ba
Tel: + 387 (0) 33 562-029,
Fax: + 387 (0) 33 562-031

Sarajevo, Reisa Džemaludina Čauševića 1



okončane, te se može pristupiti sanaciji pokidanih postrojenja za otplinjavanje. Sad nakon tri godine, na žalost imamo teške medicinske dijagnoze, mišljenja ljekara koji kažu da su uzrok tome boravak u blizini gradske deponije Smiljevići, te zahtijevaju izmještanje porodice i preporučuju zatvaranje deponije na ovom lokalitetu. Pitam se kao neko ko živi u blizini gradske deponije, kao majka, da li trebaju proći još tri godine, da li treba još oboljelih da bi se shvatila ozbiljnost ovog problema.

ODGOVOR:

Na inicijativu Ministarstva prostornog uređenja, građenja i zaštite okoliša Kantona Sarajevo, donesen je 12.10.2016.godine Program aktivnosti na sanaciji i revitalizaciji Sarajevskog odlagališta kućnog otpada. Program je obuhvatio više od 50 različitih aktivnosti i projekata, koji su tada uočeni i koje treba provesti do 2020.godine, a u cilju sanacije zatečenog stanja. O realizaciji Programa se jednom godišnje izvještava Vlada Kantona, a ujedno se predlažu i aktivnosti koje će se provesti u tekućoj godini. U tom smislu, Vlada je 18.04.2019.godine donijela Program aktivnosti u okviru RCUO Smiljevići za 2019.godinu.

Prilikom održavanja Tematske sjednice Vlade Kantona 27.06.2019.godine, kada je razmatrana Informacija o stanju i budućim aktivnostima u okviru Regionalnog centra Smiljevići, prezentirano je, da je od kraja 2016. do kraja 2018.godine provedeno 27 mjera iz usvojenog integralnog Programa 2016-2020.godina. Izdvojeno je oko 9 miliona KM. Od aktivnosti koje su provedene do kraja 2018.godine treba istaći izgradnju novih površina za sanitarno odlaganje, uspostavljanje sistema otplinjavanja, izgradnju deponije inertnog materijala i reciklažnog dvorišta radi smanjenja količina za odlaganje, te nabavku opreme za sanitarnu deponiju, deponiju inertnog materijala i postrojenje za reciklažu građevinskog otpada.

Posebna pažnja je, radi smanjivanja negativnih uticaja na okoliš, bila posvećena izgradnji sistema za otplinjavanje središnjeg dijela odlagališta, nakon čega su bušotine povezane u sistem i cjevovodima se deponijski gas vodi do baklje za spaljivanje. Na ovaj način se neutralizuju i uticaji neugodnog mirisa od deponijskih gasova, koji nisu tretirani, nakon što je devastiran cjeloviti sistem tokom vršenja iskopavanja po nalogu Tužilaštva BiH. Usput rečeno, sa Tužilaštvom je 26.06.2019.godine potpisan Sporazum o sanaciji devastirane površine i već je formirana zajednička Komisija za provođenje postupka javne nabavke za izvođenje radova. Već teku aktivnosti kojim će se u sistem uvezati i 15 novih sondi, što će povećati količine deponijskog gasa za proizvodnju električne energije po dobijanju dozvole od FERK-, a istovremeno će smanjiti emisije gasova i mirisa u zrak. U istu svrhu smanjivanja neugodnih mirisa izvršiće se nabavka biofiltera za prečišćavanje, koji će biti instalirani na ispuštima iz jama grobnica za animalni otpad. Do kraja ove godine biće nabavljeni i analizatori koji će biti ugrađeni u mobilnu stanicu za mjerenje kvaliteta zraka, a kojim će se moći izmjeriti emisije šest polutanata koji potiču sa deponije.

Uz otplinjavanje, kontrolu količina i vrsta otpada koji se odlaže, fokus je bio i na revitalizaciji sistema za prečišćavanje procjednih voda. U toj funkciji, provedene su brojne aktivnosti, a do konačnog odabira tehnologije i uspostave novog postrojenja, a što se prema zaključcima Vlade sa Tematske sjednice treba realizovati u 2021.godini, uspostaviće se rad postojeće opreme prečišćača.



web: <http://mpz.ks.gov.ba>
e-mail: mpz@mpz.ks.gov.ba
Tel: + 387 (0) 33 562-029,
Fax: + 387 (0) 33 562-031

Sarajevo, Reisa Džemaludina Čauševića 1



Osnovni cilj je održavanje opreme koja će se koristiti i ubuduće, kao i iskorištavanje raspoloživih kapaciteta za prihvatanje procjednih voda. Projektom je predviđen hidraulički tok kroz aeracioni bazen, sa taloženjem i ispuštanjem u Lepenički potok. Očekuje se smanjenje pojedinih parametara zagađenja (TSS, HPK, BPK, NH₄-N, mutnoća), te poboljšanje kvaliteta efluenta. Nastavljen je i monitoring količina i sastava procjednih voda, razmatraju se tehničke mogućnosti na smanjivanju količina procjednih voda, uz pomoć stručnjaka koje je angažovala Svjetska banka. Urađena je Studija i idejno rješenje pokrivanja dijela deponije gornjim brtvenim slojem, te razmatrane opcije za smanjenje količina filtrata i opcije recirkulacije filtrata u tijelo deponije, kao jedna od mjera koja se može uzeti u obzir kao dio sistema zbrinjavanja procjedne vode. Uslov za sagledavanje mogućnosti za zbrinjavanje filtrata i provedbu daljih aktivnosti je svakako izgradnja kolektora Zabrđe - Butila, kao i spajanje na sistem javne kanalizacije upravne zgrade i kafilerije RCUO.

Zbrinjavanje procjednih voda se ne može u cjelosti provesti dok se ne izgradi kanalizacioni sistem u naselju Zabrđe, a što je u nadležnosti Općine Novi Grad. Inače, na ovom lokalitetu je od 380 objekata, koliko je registrovano prilikom izrade Regulacionog plana 2004.godine, do sada izgrađeno još 520 objekata, koji uglavnom kanalizacijske vode ispuštaju ili u septičke jame ili u Lepenički potok. Zbog neizgrađenosti komunalne infrastrukture, na ovom prostoru je složena higijenska situacija. Treba napomenuti da je Sarajevsko odlagalište nastalo 1962.godine, a u tom periodu na lokaciji nije bilo stambenih objekata u blizini zone deponovanja otpada, izuzev nekolicine objekata domicilnog stanovništva. Ekspanzija gradnje je nastala u periodu 1995-2016.godine, a nadogradnja i izgradnja objekata uz neposrednu ogradu ili blizu deponije se nastavlja i do danas. Najveći dio tih objekata prije početka izgradnje nije posjedovao dozvole za građenje.

Kako bi se iznašla najadekvatnija rješenja, predviđeno je da se u okviru izrade Prostornog plana područja posebnog obilježja "Regionalni centar za upravljanje otpadom Smiljevići" ("Službene novine Kantona Sarajevo", br. 11/18) izvrši i strateška procjena uticaja predmetnog Plana na okoliš. Za vršenje SEA odabran je konzorcij sa stranim partnerom, a predviđeno je 6 faza, od kojih je jedna i javni uvid i rasprava i konsultacije sa mještanima i stručnim organizacijama. Prilikom procjene uticaja biće sagledani planirani zahvati Prostornog plana, te će biti procijenjeno ostvarivanje postavljenih okolišnih ciljeva u potencijalnim konfliktnim zonama. Cilj je da se minimiziraju štetni uticaji i uspostavi savremeni Centar za upravljanje otpadom u skladu sa važećim okolišnim standardima. U tu svrhu će trebati obezbijediti i značajna finansijska sredstva, a samo zbrinjavanje procjednih voda je procijenjeno na blizu 15 miliona KM, koje treba osigurati u 2020. i 2021.godini. Intencija je da se sve više otpada iskorištava, a manje odlaže, za što je u završnoj fazi izrada Studije izvodivosti i isplativosti mehaničko-biološke obrade otpada na Smiljevićima, koja će poslužiti za donošenje daljih strateških odluka za upravljanje komunalnim otpadom u Kantonu Sarajevo. Većina planova je sadržana u cjelovitoj Informaciji, koju je na Jematskoj sjednici prihvatila Vlada Kantona, kako je već istaknuto.

Damir Filipović, MA prava



web: <http://mpz.ks.gov.ba>
e-mail: mpz@mpz.ks.gov.ba
Tel: + 387 (0) 33 562-029,
Fax: + 387 (0) 33 562-031

Sarajevo, Reisa Džemaludina Čauševića 1



Dostaviti:

- Naslovu
- Vlada Kantona Sarajevo
- Evidencija
- a/a



web: <http://mpz.ks.gov.ba>
e-mail: mpz@mpz.ks.gov.ba
Tel: + 387 (0) 33 562-029,
Fax: + 387 (0) 33 562-031
Sarajevo, Reisa Džemaludina Čauševića 1

